

QUÆSTIO MEDICA,

CARDINALITIIS DISPUTATIONIBUS

manè discutienda, in Scholis Medicorum, die Jovis
undecimâ Martii.

M. DIONYSIO DODART, Doctore, Serenissimæ
D. D. Principis Dotariæ de Conty, Medico & Regiæ
Scientiarum Academiæ socio, Præside.

An febribus acutis, sola ex unis carnibus iuscula?

I.

A SANGUINE vita, mors, sanitas, morbus; maxime autem febris, morborum prope frequentissimus, utinam ne ignotissimus! sanguini quasi pro animâ est, particularum ejus innumerabiliter multiplicium motus intestinus, fermentatio dictus, unde calor natus, febrilis; gradu, materiâ, non naturâ inter se diversi. *δυλομεδης* quasi vita, circuitus sanguinis multiplex, is etiam qui per ramos arteriarum plus quam capillares perficitur, quibus ad partes omnes per lympham alendas, per cruorem fovendas, convehitur uniuscujusque partis demensum proprium, proprio Marte conficiendum. Inde quod superest cruoris, lymphæ, redit per venarum & lymphaticarum radices subtilitatis immensæ, novis copiis obiter instauratum in multiplicibus diversoriis, per pulmonem trajiciendum; non ad refrigerium, sed ad accensionem per suffusum & intrusum aërem, ut flammæ cujuscumque, ita vitalis incentivum. Inde prospera valetudo. Hæc non sine sanguinis calore, coque molli per naturalem sanguinis cursum. Hic velocissimus: non enim unico die in homine temperato, etiam quiescente, minùs trecenties duodecies circumfluere possunt etiam viginti quinque sanguinis libræ. Quantò pluries, pluriesque in commoto, moles minor! maxime si cordis capedines sint majores; nec enim omnium sunt pares. Celeritatis lex naturalis, uniuscujusque natura. Ab eâ calor modus naturalis, non omnium idem in unoquoque genere, sed singulorum proprius. Hujus norma, omnium functionum integritas, unicuique propria. Adeo ut si hæc vegetiorem calorem exigit, celerius renovandus sit sanguis, ideo per occultam evaporationem propter dissipandus, alimento novo restaurandus; atque adeo frequentius & celerius per pulmonem circumagendus; sin contra, infrequentius. Utriusque hujus necessitatis naturalis imperio famulatur cor; sanguinem urgendo circumagens juxta necessitatem dissipandi novandique sanguinis. Hæc à necessitate fovendi caloris naturalis per alimoniam nova succendicula. Inde naturalis cordis rythmus, & arteriarum à corde pulsantium. Hic sponte nunquam incitatur, sed additis quasi calcaribus aut novi accedentis alimenti, ventriculo concoquendi, vel concocti jam stillantis in subclaviâ; aut perturbationum animi ad iracundiam pertinentium; aut corporis exercitiorum. At tunc sine febre

quamvis non sine fervore; sed innoxio, quem accendit non cor, sed pulmo per necessariam spirandi frequentiam subministrandis extra ordinem spirituum auxiliariis copiis ad elicitas vel imperatas motiones; divino machinamento sibi ipsi succurrente, atque adeo suum Autorem quasi digito monstrante. Huius circuitus interpellatio, mors: mora, si in parte, talis est ut derivationis beneficium non admittat, & exundationem faciat, tumorum genus omne. At si sanguis insitis copiis locuples, sed alienis additis crudior minusque subactus, atque adeo minus penetrabilis undique segnius refluit, febris est; Fervor morantis in cursu, & ægre evaporantis sanguinis, atque utroque nomine præter modum effervescentis. Febris quasi gradus, juxta moræ modum, varii; species, juxta causarum naturam. Quo sanguis crudior, eo per se tardior; quo tardior intra certos limites, eo febris vehementior. Ex vitio & in vitio medela; machinâ vere divinâ se ipsam alieno vitio labefactatam, quasi propriis, sed insitis viribus instaurante per febrem. Hæc, motus naturalis ad concoquendum, hoc est, putum ab inquinamento secernendum; sibi permittendus dum sufficit, sustinendus ubi præcipitat; urgendus si deficit; liberandus quum impeditur, quod frequentissimum est; nunquam interpellandus. Sub cruditate, male subacta liquidis solida in arctiores meatus arteriarum, venarum impingentia, in his hærent, ægre propelluntur. Inde pulsus crebritas & vehementia, & amplitudo; viscerum, sepe & ambitus ardor, & partium molestus sensus ardore gravior; anthliâ cordis nimirum laborante compellere male subactum sanguinem, capillaribus vasis ægre admittentibus, fervore fervorisque sensu per tarditatem adaucto, dum pigro lapsu fluens liquor aliâ prætervolare solitus, tanto vehementius tumultuatur pugnantis partibus, tanto gravius afficit premitque, quantum lentius progreditur. Inde necessitas vacuandi sanguinea vasa; sed quatenus satis ad expediendum impeditiorem sanguinis cursum, secernendis & excernendis purgantibus necessarium; abstinendi quantum potest, ad concoquendum & videntium sanguinem, quorum alterum ad sanguinis missionem, alterum ad victus rationem pertinet; illud removendis impediementis, ut profis, hoc præcavendis, ne alendo noceas.

I I.

FEBRIS, maxime continua & acuta, potionem exigit, alimenta cætera quæ liacumque per se repudiat; quæ tunc & crudorum concoctionem morantur & evaporationem intercludunt, & male concoquuntur. Inde effatum, *impura quanto magis alueris, tanto magis laferis*. Inde, fastidium qualicumque cibi, non tam symptoma febris quam auxilium partium sub pondere gementium. Per fastidium, *natura morborum medica* docent nos, etiam; per brutas animantes & ægrorum deprecationes, eos aliquatenus fastidio suo permittere; ut nihil sit vulgatiùs quam exempla rusticorum, qui solâ repudiandorum per dies sex, septem, omnium alimentorum pertinaciâ febrem excutiunt; beati quos malè officiosa sedulitas succurrendi specie non obruit, solâ calidæ vel frigidæ potione contentos. Itaque omnino abstinendum alimento præter potum si vires ferendo fuerint. Conjectura, ex motu morbi & viribus egrotantis. Quod si vel diuturnior futurus morbus, vel vires ægri te ab abstinentiâ deterreant, saltem & minimum alimenti, & tenuissimum, & levissimum, & innocentissimum, & minimum habens fastidii, & minime corruptibile & usu compertissimum elige ne noceas, & quod facillime concoquatur & quaquaversum digeratur, atque unâ secum insinuet refrigerium, sordes eluat, ut profis. Quod si

unà cum his omnibus hoc habet ut sit vilissimum & paratu facile, & varium atque multiplex, ut fastidienti facilis sit optio atque mutatio, omne punctum tuleris, mali minimum adhibens, bonorum optima. Febricitantium annona liquor, potu, alimentis. In utroque genere quid præstat? In potu, quod celerime pervadit, tenue, nec ulpam hærens; inter alimenta, quod modicum moratur, nec onerat & sustentat. Talia flagitat ratio. At quamam sint ejusmodi ratio non docebit, quæ in talibus cœcutit. Ergo duo consule, experimentorum memorias in historiâ, mores quibus hæc tempora reguntur. Ex utroque elice quod profit, quod placeat, quod saltem toleretur nec quiritationes commoveat. Neque enim nisi obsequendo imperat Medicina, & in talibus consultum est *tantum eniti in re publicâ quantum probare tuis civibus possis.*

III.

DE VICTUS ratione, tametsi magnares est in omnibus morbis, in acutis febribus maxima, vetustiores Hippocrate Medici doctrinam mancam reliquerant; quamquam non ignari imbecillis hominibus opus esse rebus infirmis; valentissimum alimentum esse in quo plurimum est alimenti, plus alimenti esse in carne quam in ullo alio, maxime autem in carne quadrupedum domesticorum. Itaque si nihil aliud præstiterant, saltem delectu ciborum habito quibusvis carnibus, avium, piscium, Cerealia prætulerant; cæteris in hoc genere, hordeum integrum vel deglubitum. Hippocrates leges addidit de modulo & temporibus ad febres acutas. Nec ex hordeo solo alimonia febricentium petebatur, sed ex Zeâ, Chondro, Trago, æque Hippocrati nobisque noto. Ex his prissanas conficiebant, nunc solo nomine notas, olim tam vulgares ut vix eas describere dignati sint veteres. In his prissana ἀρωγὰ dicta quæ ex hordeo, reliquæ μετὰ ἀρωγῶν frumentaceæ vocitabantur. Constat parari solitas ex Cereali in suo genere electissimis, in aquâ limpidissimâ & levissima præmaceratis, & elutis, tum ad tabernum decoctis; singulis heminis id est uncias atticis novem, decem, aut ad summum, Georgicâ mensura, tredecim cum dimidiâ in singulos aquæ congios, hoc est uncias centum viginti, decoquendis ad medias, primum igne luculento, tum molliori, donec contabesceret granum. Ex his unicâ elixatione ferculum multiplex, cremor, prissana, & quod medium inter extrema, cremor prissanæ confusus & ejus variæ proportionēs, quantum scilicet ægro cuique pro variâ febris ætate conveniebat plus aut minus prissanæ cremore diluî. Condimenta Porri vel Anethi aliquantulum cum multum intumuerat granum, aceti, olei, vel butyri, salis, vel mellis Attici quantum satis ad gratiam. Sic suis ægris, ab imâ plebe ad summos optimates observabatur tribus aut quatuor ad summum nostratibus denariis in diem solidum elegantissima Græcorum, opulenta & magnifica Romanorum natio. Sic paratum pinsum hordeum duabus partibus constabat, alterâ granulosa, alterâ jurulenta & facile sorbili. Illa, prissana vocabatur, hic prissanæ cremor. Prissanam nemini febricitanti indulgebant, nisi biduo post crismum vel catharsim elapso, cremorem prope nemini etiam minus robusto dum crisis erat futura quarto die; nec ante septimum, si septimo tantum, crismum futuram autumabant, & vires essent ferendo, solâ potionē contenti, aut mulsâ, aut apomielite, aut aquâ frigidâ vel calente. Secūs, cremoris oxybapha duo, id est uncias quinque dabant, primis diebus; simul ac semel, si semel tantum cibum sanus sumere solitus fuerat ægrotus, bis, & cremoris dosi supra dictâ in duas partes divisâ, si sanus bis

4

pasci fuerat assuetus; æqualibus vel inæqualibus portionibus; pro ratione consuetudinis in sumendo cibo dum valebat. A primo vel secundo die tam exiguum demensum magis magisque minuebatur donec morbus pervenisset ad Criseos tempora, id est ad septimum, nonum, undecimum morbi diem. Eo die nihil dabant præter portionem. Judicatio morbo per crism vel per concoctionem, alimentum quibus gradibus imminutum fuerat, augebatur. Biduo post crism addebatur cremori, ptissanæ seu grani concocti nonnihil. Hanc sensim augebant imminutâ cremoris proportionem, auctis dosibus, donec ad solidum alimentum per ova, pisciculos, avium corticalium extrema fieret reditus. In hoc curriculo, si fastidiebatur cremor ptissanæ, panis bis, ter, quater, quinques, sexies elotus, donec aquæ innaret, sorbitioni fastiditæ sufficiebatur. Accessit postmodum ad hanc ægros alendi simplicitatem post tempora Pompeii Magni Alica fastitia & nova res, ex zææ specie quæ granum dicebatur, pinfendo, confringendo, dealbando parata, ceterum iisdem condimentis nec apparatu majori quam Ptissana, Tragus, Chondrus, tum Oryza ante Augusti Cæsaris ætatem, denique Miliun, imo & ipsa Legumina, Lens, unde φακοπιτταίνη. Pisum, Cicer, nonnunquam & carnis non nihil; sed hæc ultima magis medicamenti, vel condimenti nomine, quam alimenti, si quando liquiditas alvi aut fastidium stomachi infestaret aut metueretur. His finibus continuit se in sustentandis ægris Græcorum Medicina, nonnullis rerum novarum, & famæ sibi quoquomodo parandæ libidine leges Hippocraticæ suggillantibus, quasi iusto vel indulgentiores, vel severiores. At Hippocraticæ scholæ soli sua constitit per temperatum sorbitionum usum in sustentandis febricitantibus celebritas, non tantum apud Græcos quæqua patuit Alexandri Magni & successorum ejus imperium, sed & apud exteros, quorum primi Romani rerum Domini, tum post Romanos V. sæculo, Romanorum victores Gothi, Franci, Persæ, post hos, Arabes VII. ab Arabibus XII. sæculo Scythæ; vix litterarum minus quam armorum studiosi, ex Hippocratis legibus, tum reliquam artem tum maximè febricitantium alendorum rationem administrarunt, sed oleribus & nonnullis aquosis fructibus additis. Per hos postremos quasi sequestros litterarum & bonarum artium, totâ Europâ per Barbarorum Septentrionalium irruptiones prope trecentis annis exulantium ars ad nos rediit, multis bonis locupletata, sed malis nonnullis interpolata, apud nostros autem homines peregrinis nomenclaturis ita larvata, ut ipsa vix se ipsam agnosceret. In his tenebris vetustæ alendorum febricitantium leges adhuc nonnihil mutatae sunt; additæ veterum ptissanis sæculo XI V. carnes, sed solorum volatiliun eorumque juniorum, ex aquâ bene multâ elixatæ, additis oleribus, quo sorbitiones ex his paratæ essent leviores; vixque nisi ubi ptissanæ fastidirentur, & contumacibus. His initiis caperunt carnes in partem usus admitti & habere secundas in febricitantium nutriendorum negotio, easque quasi precarias. Donec paulatim, reclamantibus licet post redivivas XV. sæculo Græcas Romanasque litteras, Medicis doctissimis priscam Medicinam in integrum restituere frustra conantibus, provento jam postremo nunc labente sæculo, apud unos prope Gallos, eosque Celtas, sola carniun volatiliun, macellariarum jusculæ rerum potirentur, antiquatis veterum ptissanarum sorbitionibus. Harum vestigia sola supersunt, ptissanæ hujus ætatis, nudum nomen nisi quod hordei non nihil retinent, ut constet aliqua nominis ratio; tam parum autem ut ne

5
nocere possit granum, potioni minus conveniens. Nec solum juscula carniū inolevere, exoletis jam tot sæculorum auctoritate confirmatis ptisanis. Nam potestremis temporibus unā cum jusculis carniū, pro antiquatis multiplicibus veterum scitis de delectu, de mensurā, de modo seu systasi, de intervallis alimentorum sorbilibus; de his sensim minuendis, augendis, vel omnino prohibendis pro ratione viriū, ætatis, consuetudinis, temporum morbi; una successit lex, omnium naturarum, ætatum, tempestatum, febrium utcunque inter se distantium communis, ineunte, procedente, vigente morbo, quatuor horarum intervallis sorbitiones exhibere, non quales vellet Medicus ex artis decretis, hoc est leviores ac leviores febre gliscente, sed à primordiis ad summum succo carniū, majorum quadrupedum opimarum valentissimo referatissimas, & quantas ventriculus ægri potest admittere, hoc est librales; vix exceptis paroxysmorum gravissimis temporibus. His autem vix minus quatuor libris, bubulæ, vitulinæ, vervecinæ uni febrienti in unicum diem deputantur.

I V.

U TRAM alendi rationem eligat, si per sæculi mores dari posset optio, nemo medicorum dubitaverit, memor anteaكتورum, præterea autem gnarus eorum quæ toto orbe geruntur, primum apud nationes nobis conterminas Hispanos, Anglos, Germanos, Italos, tum apud gentes remotissimas Zonarum omnium nec minus glacialium quam torridæ, Cimbro, Sarmatas, Scythas, Indos, Americanos. Vix ullibi tantum tam unicum in febribus acutis carniū usum reperies quam apud nos. Anglis avenacæ sorbitiones, imò nostris Britannis Delphinatibusque familiares; Italis ptisanæ hordeacæ, Hispanis nondum repudiata; Germanis ex elixato infriato pane in aquā vel dilutiore zytho juscula, butyro, ovi luteo, sale condita; Sarmatis suum cacha ex Melampyro & cæteris Cærealibus, deglubitis; Scythis Milium; Afianis, Indis, Seribus, Oriza; Americanis Mayzium, id est frumentum Indicum. Age, ergo, confer ptisanas jusculis, hoc est usum antiquissimum, annorum bis mille ferme quingentorum; toto orbe diffusissimum, quaquā patuit non tantum Græcorum imperium, sed adhuc multo majus Romanum & Romano patentius Arabicum, & latius Arabico Scythicum; Medicis laudatissimis & omnium gentium etiam Barbararum, sed bene doctarum commendatissimum, cum usu prope hesterno, quem si quis cogitavit antiquorum damnavit aut ptisanis post habuit. Compone, si potes, Medicos omnium scholarum Græcos, Latinos, Arabas, Scythas, adde & Mixobarbaros, majores nostros, Magistrorum optimorum discipulos eximios, præterea autem & omnes qui post instauratas Græcas Latinasque litteras ad hoc sæculum, imò & ad postrema hæc tempora cum laude scripserunt, & veterum placita de victu ægrotum plaudentes secuti sunt, quantum illis per vulgi procacitatem licuit. Omnes hos compone, cum his qui ptisanas aut aperte damnaverunt, aut suggillaverunt occulte. Hos postremos aut nullos invenies, aut perpaucos, aut si ullos, nullius nominis, præter unum Manardum Ferrariensem, atque hunc ipsum declinantem verius antiquos usum quam delectantem. Sed quis conferat annos ferme bis mille quingentos cum annis vix octoginta; Galliæ nostræ partem vix quintam cum universo prope terrarum orbe; omnes omnium gentium ætatumque Medicos; hujus rei peritissimos & in ea exercitatissimos cum uno, cæterā docto, sed qui se rei hujus expertem & imperitum palam ipse demonstrat. Neque hæc omnia mera præjudicia putes

hominis antiquitati plus æquo faventis; cum in artibus humanis nulla per se unquam valere possit autoritas nisi in arte principe hominum legibus & imperio regerendorum. Falli potuit Hippocrates, si in re obscurâ hallucinatum se fuisse fateatur, ea professione se ipso major. At in his quæ manifestæ, publicis, perpetuis experimentis & fide boni viri constant, ipsum falsum fuisse, & omne genus Medicorum, æqualium; posterorum, quasi vertigine quadam circumegisse, qui dicat, operâ datâ sibi illudit ipsi, nemini fucum facturus. Non veterum citantur opiniones, sed testimonia, nec ipsi ut auctores; sed ut eorum quæ viderunt, tractarunt, experti sunt, testes multo locupletissimi, omnes inter se hac in re probe convenientes etiam scitis inter se pugnantis. Quamquam licet eos ut autores consulere. Noli enim putare temporis nostri Medicinam veteri æque multò doctiorem in omnibus. Multa quidem, imo prope omnia in theoreticis addita sunt. Multa scilicet in anatomicis, eaque quam egregia! quam utilia! quam prope dixerim necessaria! saltem quatenus Theoria ad perficiendum Medicum est necessaria; in Chymicis autem prope omnia. Imo & in practicis bene multa atque egregia adjecta sunt, quamquam bona pars eorum, licet à nostris hominibus, veterum negligentioribus inventa, in veterum monumentis ignota lateat, manifesta legentibus. Sed multa nec minora funditus omiſsa sunt aut oblivioni mandata, eaque in lucem, quantum per mores nostros licet, omni arte studioque revocanda, ut Gymnastice, & Dietetice, præsertim ea quæ fuit acutorum. Sed ne frustra litigeret præjudiciorum specie, res ipsas inter se committe, simplicem, varium, & impundè mutabilem, atque adeo jucundum; incorruptum præterea, aut si quando pitissima diutius asservata leviter acescit, hoc ipso sæpe profuturum, semper innocentem, cæterum & utilissimum victum; vitem præterea & tam sufficientem divitibus; quam egenis facilem, ut qui vix paulo plus assè nostro constet, etiam quadruplicata nostris agris quotidianâ veterum portulâ: cum eo quem casus, ingluviæ, luxus, præjudicata vulgi voracis opinio & consuetudinis media barbarie natæ importuna necessitas expresserunt, qui palato febrientium sæpius male sapit, & semper eundem atque vix evitabilem nidorem naribus inculcat, & facile ac frequenter & pessime in crudis, & æstuantibus & impuris visceribus computrescit, & magno nec pauperibus tolerabili assium vix minus viginti pretio constat. Et cum bene tecum reputaveris eibum, etiam optimam, levissimumque & minimum, ægritudinis habitâ ratione, crudis, impuris, infirmis visceribus eo nomine nociturum: pensita, utra major noxa quotidiana metuenda sit, an à succo librarum quatuor carnis quadrupedum, Gallinacæ autem unciam ad minimum sex, octo: an à cremore unciarum hordei ad summum trium cum trientes tantulum enim est quadruplicatus veterum cibus largissimus. Atque hæc postquam accuratè perpenderit ad examen rationis revoca, non opinatricis, sed ejus quæ experimento proprio constat. Fæe periculum ipse. Comperis dejectiones aquosas, sulphurei fœtoris intolerabilis, diarrhœas, insuperabile fastidium febrientium, sæpe jussulis, carniū macellariorum jure prægnantibus imputandum potius quam febri; cum sufficis in eorum locum Cærealibus forbitionibus, quasi spontè symptomata pessima subito levare soleant, aut funditis evanescere.

V.

CA V E tamen putes è vestigio proſcribenda carniū jussula, restituendas puſſanas è Cærealibus, agros potione pascendos, aut exiguis vete-

rum sorbitunculis, quas etiam atque etiam minuas, donec morbus ad summum pervenerit. Nihil subitum aut extremum salubre, & si per se foret, tamen consuetudinis mutatione & malâ animi inductione molestum esset. Inductâ animi agitudine metuque & anxietatē, etiam victu meliore corpus malè affeceris. Nisi persuasum & lubentem & faventem agrum habes, etiam bene agens, frustra sis. Opiniones jam inveteratas statim mutare supra hominem est. Sensim obliterandâ. Atque id facili fieri potest si arte modoque, & tempore fiat. Volatiles primum carnes, macellariarum portinnulâ instar condimenti misceantur. Fastidii febrilis occasione, minuuntur carnes, addatur crustulum cum carnibus elixandum, tum Hordeum, aut Oryza, aut Avena, usitatissima Cerealium. Postcâ symptomatis exigentibus, verbi gratia morantibus urinis, radices culinariæ, Petroselinî, Dauci, Avena contusa, Pisa ipsa aut Cicer addantur carnibus. In malignitatis metu, radices Tragopogonis nostratis, vel Hispanici. Alvo nimis fluente, Lens elixetur integra, pinâ, cum pullo Gallinaceo; morante, Secale confractum; in evaporandi necessitate Milium. Tum, ubi ægros Oleribus, Radiculis, Cerealibus, Leguminibus assuefeceris, carnes erunt pro condimento: nec enim aliena Medico visa est Galeno nonnulla coquinarie peritia, & prîsanis veterum non nunquam addebatur suillæ recentis non nihil ad gratiam. Denique exigente manifestâ per fastidium aut ægritudinem necessitate, inferantur prîsanæ meræ, variæ. Facilis inde ad carnes reditus, hyeme præsertim, ne inhumanius videaris aut à communi elegantiorum hominum sensu nimis abhorrens. Nam in temperatis & frigidis tempestatibus ac regionibus, qualis est nostra, talia vicissim & ferè promiscue adhiberi impudè possunt, cum in Zonis ad torridam accedentibus aut ardoribus æstivis, non suspectis tantum etiam sanis, sed febricitantibus perniciosus esse soleat carniū usus; & bona fere sunt assuetis apud nos quæ talia habentur, modo ne sint pessima. Ita paulatim febricitantibus reconciliari posset veterum prîsanarum simplicitas. Facilius multo reditus esset ad antiquam sobrietatem per ægros alimenta deprecantes, nimirum quantum per vires & consuetudinem licet. Itaque quadruplicatum, ut minimum, veras demensum, quamvis hodierni vix duodevigesimam æquet, tamen faventes & contentos haberet ægros permultos; cum sæpe multum laboretur in ingerendis amplis sorbitionibus. Memineris tamen levius peccari alimento nimio quam nimis modico porissimum apud edaces Gallos. Sed ne existimes eos carniibus assuetos vix impudè toleraturos alias escas, cum Angli carnivorî Hordeatis, ut vocant, & Avenatis lubentissime & saluberrime pascantur, febricitantes; & Milio sorbili Scythæ famem commodè tolerant; carnibus equorum sub ephippio maceratis, dum venit usus, vesci soliti; & Americani antropophagi omnes quotquot alterum Hæmispherium incolunt æque commodè vicissim ustulata venatione, & radicum farinâ, & Mayzii sui, hoc est frumenti Indici pulciculis pasci soleant tam qui ad utrumque orbis cardinem, quam qui zonam torridam incolunt. Nec metuas ne deficient vires, & ægrogi marcescant si subductum aliquid fuerit annonæ febricitantium, etiam si modî atque consuetudinis & virium habitû ratione fiat subductio, quasi paulatim senescente naturâ: cum cernum sit apertis & irrefragabilibus documentis majores nostros priscorum sæculorum, nec nobis fuisse proceriores & vivaciores etiam ante tempora Mosaica, nec sæculorum vitio factum sit sed nostro, ut inertia desidiaque facti simus minus robusti avis proavisque nostris.

Hoc alimentorum delectu & modulo, hæc alendorum febrientium ratione;
& concoctio crudorum, & sanguinis liquiditas, atque adeo facilis per capilla-
ria vasa, interna, externa succedet circuitus; unde proclivior, tutior, celerior
februm acutarum depulsio.

De Prissanâ dandâ feblicitantibus; de modo, tempore, apparatu, condimentis legantur;
MEDICORUM GRÆCORUM, LATINORUM PRINCIPES, Hippocrates lib.
111. de morbis, maximè sub finem, præsertim autem lib. de vitâ ratione in morbis acutis.
Dioscor. apud Coel. Aurelianus lib. 11. Acutus. c. 20. 29. Dieuches apud Oribasium, Coll. 1V. c. 7.
3. ubi de Hordei, Milii Panici, Hordei testî, Avene, Lentium, Amyli, Similæ, Alicæ, Panis apparatus
ad sobrietates c. 9. ubi de cæliumibus.

Praxagoras apud Coel. Aur. l. 11. acut. c. 21. 29.
Heraclides Tarentinus, Empirius apud Coel. Aur. lib. 1. acut. c. 17. lib. 11. acut. c. 29.
Aretæus lib. 1. de curatione acut. c. 1. 10. lib. 11. c. 1.
Themison, Methodicus apud Coel. Aur. lib. 1. c. 15.
Celsus, Diacritarius lib. 111. cap. 3. 6. lib. 1V. c. 6.
Asclepiades, Epicureus apud Coel. Aur. lib. 1. acut. c. 15.
Soranus & Methodicus apud Coel. Aur. lib. 1. acut. c. 19. 29.
Coelius Aurelianus, Afer Methodicus lib. 1. acut. c. 10. 11. 15. 17. lib. acut. c. 18. 19. 20. 21. 22. 24. 29.
Gariopontus (quem Renatus Moreus merito putavit Afrum) de febribus c. 22. de causis c. 27. de curâ
tertiana.

Galenus passim, maxime autem lib. de prissanâ, item lib. 1. de alimentorum facult. cum lib. X. meth. med.
c. 3. sub finem. XI. c. 21. l. 1. ad Glauconem c. 10. 13. item commentario in lib. Hipp. de vitâ ratione in mor-
bis acutis & alibi passim.

Philothæus commentario in lib. 1. Aphor. Hippocr.
Philumenus apud Actium Terrab. 11. lib. 1. c. 78. de febre ardente.
Oribasius Synops. 1V. c. 32. que res refrigerent c. 32. 33. quæ res humectent c. 34. 35. 38. 39. lib. 1V. c.
29. collect. 1V. c. 7. 8. 9. de quibus supra in Dieuche.

Alexander Trallianus lib. V. l. c. 5. lib. XII. c. 3.

Actius Terrab. 11. lib. 1. c. 76. 78.

Olibavius Horatianus, Afer, ad Euporismum c. 4. 5.

Paulus lib. 11. c. 18. lib. 111. c. 30. 33.

Stephanus Atheniensis in lib. 1. Galeni Therapeut. ad Glauconem num. 115. 116. 130.

Actuarius methodi med. lib. 111. c. 18. 19. lib. 1V. c. 2. 4.

ARABES ET SCYTHÆ Isaac Israelita de febribus c. 31. 32. 34. 37.

Serapion, Arabs de febribus c. 4. 6.

Mesius de agritudinib. pecc. c. 7. E. F. c. 8. integ. de agritud. guttur. c. 5. F. G.

Joannes Damascenus, Syrus lib. 11. c. 13. 17. lib. 111. cap. 20. 21.

Isaac Israelita alius à superiori de febribus c. 21. 28. 30. 36. 39.

Averroës de febribus c. 13.

Alfaharavius, Scythia [sic designatur in catalogo M. S. authorum ab Ebenêthare citatorum] præticæ tractat,
32. part. quinta, capit. 5. scilicet. 3. fol. 152. 154. 155. 155. Y.

Avicenna Bañtrianus [hodie Bañtriana vocatur Usbek Tartaria pars ad Austrum] de febribus tract. 111
c. 8. 9.

Averroës Hispanus Cordubensis de febribus c. 14.

MIXOBARBARI. Constantinus Africanus c. 2. 3. 4. 8. 10.

Gordonius de febribus c. 2. 3. 5.

Arnaldus Villanovanus de febribus c. 7. 9.

Philonius seu Palescus de Taranta c. 2. 5. 6. 7. 8. 10.

QUI POST INSTAURATAS LITTERAS SCRIPSERUNT inter quos Mercuri-
nalis Medicina præticæ lib. 1. c. 2. lib. 11. c. 6. 7. lib. V. c. 9. 10. 13.

Riverius de febribus scilicet. 11. c. 1.

Magister Guido Crescencius Fagon (nunc Archiatrorum Cœnes) quaestione, Etsi feblicitantibus accommoda-
tior diluit in aquâ panis quam carnis elixa fortitio, discussa in scholis Medicorum Parisiensium anno 1674.

Non ergo febribus acutis, sola ex unis carnibus iuscula.

Proponebat Parisiis RAYMUNDUS JACOB. FINOT, Parisinus,
Baccalaureus Medicus. A. R. S. H. 1700.

Apud FRANCISCUM MUGUET, Regis & Facultatis Medicinæ
Typographum.